

سنه لکى در سعادت ایچون مجیده
بکرمی غروش حسابله التمش
غروشدر

طشره ایچون بوسته اجر قی اوله رق
اون بش غروش ضم اولتور

نسخه سی ۴۰ پاره در

مجلس شورای عالی

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرنیدن بر مجیدیه اخذ
ایدلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

توضیحات

سایه اصلاحات وایه حضرت ملکدار اعظمیده روم
ایلی ولایات شاهانه سنجه اجرا قلمقدمه اولان تشکیلات
عدلیه جمله سندن اوله رق اشقودره ولایتی مرکزنده
بولان بدایت محکمه سنه مجدداً بر جزا دائره سی علاوه سیله
دائره مذکوره ریاستی قسطنطنیه ولایتی مرکز بدایت
محکمه سی مدعی عمومی معاونی رفعتلو حسن فهمی
افندی به

قسطنطنیه ولایتی مرکز بدایت محکمه سی مدعی
عمومی معاونلکی معموره العزیز ولایتی مرکز
بدایت محکمه سی مدعی عمومی معاونی رفعتلو مسعود
خانی افندی به

معموره العزیز ولایتی مرکز بدایت محکمه سی
مدعی عمومی معاونلکی قیصریه سنجانی بدایت
محکمه سی جزا دائره سی رئیس قوتلو اسماعیل حق افندی به
قیصریه سنجانی بدایت محکمه سی جزا دائره سی
ریاستی کوریجه سنجانی بدایت محکمه سی جزا
دائره سی رئیس سابق قوتلو شوق افندی به تفویض
بیورلمش ومومی الیهم ذاتاً مخالف بولنمشدر .

تجلیز و تحویل

اشقودره ولایتی استیناف محکمه سی اعضا لغنه
مکتب حقوق شاهانه مأذونلرندن محمد فرید افندی
محکمه مذکوره اعضا لغنه مکتب مزبور
مأذونلرندن حسن زهدی افندی

محکمه مذکوره اعضا لغنه سیواس ولایتی
استیناف محکمه سی باش کاتبی شکری افندی
محکمه مذکوره اعضا لغنه چتالجه سنجانی
بدایت محکمه سی اجرا مأموری محمد صالح افندی
محکمه مذکوره اعضا لغنه تجارت بحریه محکمه سی
مستخدمینندن سحاق افندی

محکمه مذکوره اعضا لغنه کموشخانه سنجانی
بدایت محکمه سی ضبط کاتب سابق قسطنطی افندی
محکمه مذکوره اعضا لغنه منتشا سنجانی بدایت

محکمه سی ضبط کاتب سابق خره لامبوس افندی
محکمه مذکوره اعضا لغنه چشمه قضای بدایت
محکمه سی ایکنجی کاتب سابق نیقوغوس افندی
ولایت مذکوره مرکز بدایت محکمه سی اعضا لغنه
مکتب حقوق شاهانه مأذونلرندن فواد صبری افندی
محکمه مذکوره اعضا لغنه مکتب مزبور
مأذونلرندن عثمان نوری افندی
محکمه مذکوره اعضا لغنه دعوی وکیللرندن
نیقولای افندی

محکمه مذکوره اعضا لغنه کوماجنه سنجانی
بدایت محکمه سی ضبط کاتب سابق آورام لطیفی افندی
تعیین اوله رق مومی الیهمدن محمد فرید وفواد صبری
وعثمان نوری وسحاق وقسطنطی وخره لامبوس ونیقو-
لایکی افندیلرک « ذات شوکتیهات حضرت خلافتناهی به
ودولت علیه لرینه صادقانه ایفای حسن خدمت
ایده جک لرینه ومغایر عدالت وخلاف ناموس و صداقت
احوال وحرکاتی ده ارتکاب اتمیه جک لرینه » دائر
امر تحایف لری اجرا و دیگر لرینک اولوجهله اجرای
تحایف لری خصوصی دخی محله تبلیغ وانبیا قلمشدر .

تبلیغات

چورلی اشرا فندن الیاس بکک، متصرف اولدینی
اراضی موقوفه دن پاشالی اغا چفتلکنک ربع حصه سی
ایشلیان عره کل افندی به اولان الی سکنز بیک
غروش دینی مقابلنده رهن ایدوب حلول مدنده
مبلغ مذکورک استیفاسی ایچون مرتبه مرقومک
طابی اوزرینه بوندن بش سنه مقدم حصه مذکوره
بالمزایده طالبی عهده سنه فراغ اولنه جنی صروده مبلغ
مذکور علی بک طرفندن دین مرقوم عره کل
افندی به تأدی اوله رق الیاس بکک حصه مرهونه سی
رهیتندن قورتارلمش اولدینی حالده مدیون مومی الیه
مبلغ مذکور دین ثانی علی بک دخی تسویه وایفا
ایتماسندن طولانی مومی الیه علی بکک بالمراجعه
استحصال ایلدیکی درجات محاکمندن تصدیقاً کسب
قطعیتمش ایتش اعلامه استناداً حصه مذکور دینی اجرا

معرفتیله مزایده وضع ایتدیرمش وغند المزایده
موقتاً قرار داده سی چکیلوب فقط طالب آخر ظهور
ایتمدیکندن دیگر اوچ ربع حصه نک متصرفی عهده سنه
سکسان ایکی بیسک بش یوز غروش بدل مقرر یله
بالاحاله قراردادده قطعیسنک کشیده سنه الی کون قاله
مدیون مومی الیه الیاس بکک وفاتی وقوعبولمسلیله
حجز مذکورک فیکلی ضمننده ورثه سی جانبندن محکمه به
مراجعت اولنش واکرچه دین ثانی علی بکک مطلوبه
مقابل حصه مذکوره مرهون اولیوب عره کل افندی
عهده سنده کی رهیتی دخی بروجه محرر منفک بولنش
ایسه ده حصه مذکوره نک اجراجه وقوعبولان مزایده
سنده قرار داده سی چکلشمش اولدیفندن وانجمن
عدلیه نک تبلیغ اولنان سنه ۳۰۲ تاریخی قرارنده
« اراضی امیری به وموقوفه نک فروختی مدیونک حیاتنده
حکمه ربط اولتور ومزایده وضع وقرار داده سی
اعطا اولندقدنصکره مدیون وفات ایدرایسه حیاتنده
صائمش دیمک اوله جغندن اولخالده استیفای دین
اوله بیله جکی » محرر بولندیفندن بحثله استفسار
معامله به دائر ادرنه استیناف محکمه سی مدعی
عمومیلکنندن وقوعبولان اشعار اوزرینه اراضی
امیری به ایله مسقفات ومستغلات موقوفه نک بعدالوفات
تأمین دین ایتسنه دائر اولان نظا منامه نک مواد
معلومه سی احکامنجه مرهون اولیان اراضی امیری به
وموقوفه متصرفنک وفاتی حالده تسویه دینی ایچون
فروختی جائز اوله میوب دائره اجراجه مدیونک
حیاتنده جریان ایدن مزایده ده قطعاً بیله حاله سنه
دائر ویرلمش اولان قرار دائره سنده معامله فراغیه
اجرا اولنمندن مدیون وفات ایتدیکی حالده اراضی
امیری به ومسقفات موقوفه نک صائمش عد اولنه میه جنی
جهتله انجمنک قرار مبحوثی اجراجه قرار قطعیسی
ویریلوبده سندی اعطا قلمش اولنلره معطوف
بولنه جغندن مذکور چفتلک حصه سی متصرفنک
وفانیله عادیاً ورثه سنه انتقال ایدن اراضیسنک متوفای
مومی الیهک تسویه دینی ایچون فروختی جائز اوله میه جنی
جوابی مذکور مدعی عمومیلکه اعطا قلمشدر .

محاکمه قتل

محكمة تمیز استدعا دارم سندن اعطا قتلان ۲۳ ایلول اول سنه ۳۱۸ تاریخی اعلامدر :

قسطمونی ولایتی استیناف محکمه سی جزا دائره . سیله لازستان سنجانی بدایت جزا محکمه سندن لاحق اولان قرارلرک یکدیگرینه مابین اولم سندن طولانی تعیین مرجع دعوی طینی حاوی ولایت مذکوره استیناف مدعی عمومیلکندن ۹ شباط سنه ۲۱۷ تاریخی تحریرات ایله ارسال اولسان اوراق باش مدعی عمومیلک مأموریت بهیه سنک ۲۴ تموز سنه ۳۱۸ تاریخی تبلیغنامه سی ایله برلشدیرلرک محکمه تمیز استدعا دائره سنه تودیع اولمش و ذکر اولان لازستان بدایت جزا محکمه سی قراری نقل دعوی قرارینه قارشو اصراری متضمن اولوب اولمادینک تدقیق ضمنتده کیفیت محکمه تمیزک هیئت عمومیه سنه تودیع قلمش اولغله لدی التددیق مذکور لازستان بدایت محکمه سی قراری اصراری متضمن اولوب کیفیتک استدعا دائره سنجه تعیین مرجع صورتیله تدقیق ورؤتی لازم کله چکی قرار آلتنه آتدقدنصرکه اوراق مرقومه دائره جه قرائت ومطالعه اولندی .

اوراق مرقومه مألرینه نظر امتعدد قتل وسرقت جبریہ فعللریله ضبطیله تشریر سلاح اتمک ماده سندن طولانی جنایتله اتهام اولنان توفیق رئیسک قسطمونی استیناف محکمه سنجه محاکمه سی دردست اجرا بولندی حالد مرقومک لازستان بدایت محکمه سنجه تدقیقات ومحاکماتی ایضا ایدلمکده اولان دیگر بر جنجه فعلیله توجیداً محاکمه سی ایضا اولوق اوزره مذکور قتل وسرقت جبریہ محاکماتی دخی لازستان بدایت محکمه سنه نقل اولندی حالد مذکور جنجه فعلندن طولانی مزبور توفیق رئیسک نقل قرارندن مقدم برانته قرار ویرلش و مرقومک رفقای سائر سیله لازستان سنجانی داخلنده ایقاع ایلدیکی اخذ وغصب وتشریر سلاح ماده لری دخی سالف البیان قتل وسرقت جبریہ ماده لرندن مؤخر اوله رق هنوز تدقیقاته کریشلماش اولدیغه منی مواد مذکورک قسطمونی استیناف محکمه سنجه رؤتی لازم کله چکنه قرار ویرلدیکندن وشو قرار ایله قسطمونی استیناف محکمه سنه تودیعی حقدنکی اعلامی یئنده حاصل اولان مابینک فصلیله مرجع محاکمه نک تعینی محکمه تمیزه عائد بولدیغندن بخله مقتضای قانونینک ایضاسی بیان واستدعا ومارالذکر تبلیغنامه دخی افعال مذکورده دن حاجی محمد افغانک خانه سندن معامله جبرو شدت اجرا سیله

ایقاع اولنان سرقتدن طولانی وقبیله عدلیه نظارت جلیله سندن اعطا قتلان امر تحریری قانونی اوزرینه محکمه تمیز جزا دائره سندن اجرای محاکمه لزومنی متضمن اوله رق ویریلان اعلام موجبجه مقسدا وقوعیولان علی اقدینک قتل ماده سیله برلکده محکمه استینافیه جبریان ایدن محاکمات عدیده قرین ختام اولمسنه ومع مایه لازستان بدایت جزا محکمه . سنجه اساساً محاکمه اجرایی استلزام ایدن جنجه فعلندن مته مرقوم توفیق رئیسک برائی حاصل اولدیکی کبی اخیراً وقوعیولان سرقت وغصب وضبطیله تشریر سلاح فعللریک مذکور بدایت محکمه سنجه محاکمته هنوز شروع اولمادقندن ماعدا دیگر فعل قتلک کذلک اخیراً وقوعیولمسیله برابر اعظم جرم اوله رق ذکر اولان علی اقدینک قتل ماده سیله اجرای محاکمه سی اقتضا اتمسنه نظراً لازستان بدایت جزا محکمه سنک بوباده کی قراری موافق اصول وقانون اولغله جرایم واقعه مجنونک قسطمونی محکمه استینافیه سنجه تدقیق ورؤتی ضمنتده قرار مزبوره مابین بولنان قرار استینافیک نقضی لازم کله چکی انبا اولمشدر .

ایجابی لدی المذاکره لازستان بدایت جزا محکمه . سنجه مرقوم توفیق رئیسک جرایم واقعه سندن الک اسکینی لواء مذکور محکمه سندن بولنان بر جنجه فعلی اولوب اشبو جنجه ماده سنک محاکمه سی ذکر اولنان قتل وسرقت جبریہ ماده لری اوراقلک ورودندن اول بالاجرا مرقوم توفیق رئیسک برانته قرار ویرلش وجرایم متبایه نک ایسه هنوز محاکمه سنه شروع ایدلماش اولدیغندن قتل وسرقت جبریہ ماده لری محاکمته قسطمونی استیناف جزا محکمه سنجه اکالی لزومی تظاهر ایددیکی مثلاًو دیگر غصب وضبطیله ره سلاح انداختی ماده لر نظولانی مته اولان مرقوم توفیق رئیس ایله رفقاسنک و بولنه یشاقاق فعلیله مته بولنان ملا احمد اوغلی احمد اوغلی علیک محاکمه لری دخی اجتماع جرایم حبسیله واحیراً قتل ایدیلان مانه لی اوغلی اسماعیلک قتلدن طولانی مته اولان مرقوم توفیق رئیس رفقاسندن شکری حقدن حقدن لازم کلان محاکمه نک توجیداً قسطمونی استیناف جزا محکمه سنجه رؤتی لزومته قرار ویرلش ایساده مرقوم توفیق رئیسک لازستان سنجانی داخلنده رفقای سائر سیله ایقاع ایلدیکی لبالاً ومسلحاً اخذ وغصب و تعقیلرینه کیدن ضبطیله تشریر سلاح اتمک فعللرندن طولاییده لواء مزبور بدایت محکمه سنجه محاکمه سنک دردست اجرا اولمی توجید محاکمه قاعده سنه توفیقاً اسباب نقادن کورینه رک مارالذکر قتل وسرقت جبریہ ماده لری قسطمونی استیناف

محکمه سندن لواء مزبور بدایت محکمه سنه نقل ایدلش اولمسنه منی مزبور توفیق رئیسک جنجه فعلندن بالحا که استحصال برائت اتمسی مرجع محاکمه سی تبدیل وتغییر سبب قانونی اوله میه جنی کبی مذکور قتل وسرقت جبریہ فعللریک دیگر جرایمدن مقدم اولمسیله قسطمونی استیناف محکمه سنه نقل دعوی مستلزم اسبابدن اولدیغندن اولجه تمیزاً لاحق اولان نقل قرارینه مغایر ومنافی بولنان لازستان بدایت جزا محکمه سی قرار واقنک اصول محاکمات جزائییه قانونک درتیوز اون سکرنجی ماده سی موجبجه تعیین مرجع دعوی طریقیه نقضه واولوجهله ایضی معامله ایدلمک اوزره اوراق مرقومه نک مذکور لازستان بدایت جزا محکمه سنه اعاده سنه ۲۳ ایلول سنه ۳۱۸ تاریخنجه متفقاً قرار ویرلدی .

رادویشته قضاسنک صاری کول قریه سی اهایلسندن احمد بن ابراهیمی قتل ایلدیکی ادعاسندن دولای جنایتله اتهام اولنان مرقومک قائل برادری مؤمن بن حسنک اون بش سنه مدته کورکه قولنسنه دائر قوصوه ولایتی استیناف محکمه سی جزا دائره . سندن ویریلان ۲۵ نومرولی اعلام محکمه تمیز جزا دائره سنجه تصدیق اولمشدر .

چومانی قریه سنه خلیل بن محمدی قتل اتمسندن دولای جنایتله اتهام اولنان قریه مذکور لی اسماعیل بن داودک اون بش سنه مدته کورکه قولنسنه دائر سعرد سنجانی بدایت محکمه سی جزا دائره سندن صادر اولان ۴ نومرولی اعلام محکمه تمیز جزا دائره سنجه تصدیق اولمشدر .

مرکوس قریه سی اهایلسندن چاوش اوغلی صالحی قتل قصدیله جرح اتمسندن دولای جنایتله اتهام اولنان قریه مذکورده مقیم بطوم مهاجرلرندن حسین بن عثمانک درت سنه مدته کورکه قولنسنه دائر سینوب سنجانی بدایت محکمه سی جزا دائره سندن ایکنجی دفعه اوله رق صادر اولان ۲۲۰ نومرولی اعلام محکمه تمیز جزا دائره سنجه تصدیق اولمشدر .

چفتلک قریه سی اهایلسندن شویوش اوغلی عمری قل واشیاسنی غصب ایلدیکی ادعا اولمشندن دولای جنایتله اتهام اولنان بزرخانه قریه سی اهایلسندن و ذیلان عشیرتندن عبد الرحمن بن علیک الی سنه مدته کورکه قولنسنه دائر بازید سنجانی بدایت محکمه سی جزا دائره سندن ویریلان ۵۵ نومرولی اعلام محکمه تمیز جزا دائره سنجه تصدیق اولمشدر .

مطبعه جی اونیک اقدینک قواقس نام ذاتک صاحب امتیازی بولندی تیره مقاره لرینک یاقه سنی نقاید ایلدیکی ثابت اولدیغندن علامت فارقه نظامنامه . سنک ماده مخصوصه سی موجبجه مطبعه جی بولمشندن ناشی سبب شدت عدلیه برآی حبسنه واون بش لیرا دخی جزای نقدی اخذیله برابر استعمال ایلدیکی طاش وسائر نک ضبط ومصادره سنه .

معونه جی علینک صالمه طمرقه ساکن مرکبجی قره تی جرح ایلدیکی ثابت اولدیغندن ایکی آی حبسنه خدمه محاکمندن حافظ محمد اقدی به اجرای وظیفه حالده حقارت واطاله لسان ایدن کدک باشا موقی قومیسری محمود اقدینک یکرمی و پولیس نفری اسماعیل اقدینک دخی اون کون مدترله حبسلرینه اوزون یوسف محله سنده ساکنه صافیه خانی ضرب ایدن محله مذکورده لی صالحدن بر آلتون آله رق مضروبیه ویرلسنه

اقصرالی فاطمه نک قالدیجیلر باشنده اجرای تجارت ایدن چوراجی رضا اقدینک چورابلری سرقت ایلدیکی ثابت اولدیغندن اوج آی حبسنه وختام مدتنده کفالتیه ربطه

پاچه جی علی بن یزاملک مناسترلی خلیل اغای ضرب ایلدیکی تبین ایلدیکندن اون کون حبسنه یدی قله لی اونیک ضرب ایدن بالقجی حاجینک اون کون حبسنه

آزابه جی سلیمانک ختیفه یه ومن بوردنک دخی سلیمان اطاله لسان ایلدیکی وزینک ختیفه یی ضرب ایلدیکی ثابت اولدیغندن سلیمان ایله ختیفه دن یارمشر آلتون جزای نقدی آلتسنه وزینک برهفته حبسنه آزابه جی عثمانک خلاف نظام آزابه سنی بوش برقره رق احمدک مجروحیتنه سببت ویردیکی ثابت اولدیغندن مرقومدن بش بشلک جزای نقدی آلتسنه میراخورده ساکنه زنجیه امینه قادیینک پولیس صفر اقدی یی ضرب ایلدیکی ثابت اولدیغندن بر آلتون آله رق مضروبیه ویرلسنه

ارن کوبنده ساکن مانوعلینک قهوه جی بیکره تشریر سلاح ایلدیکی اکلشلدیغندن اون بش کون حبسنه قاضی کوبنده کورجیلک ایدن پلاسک بقال نیقولی یی ضرب ایلدیکی ثابت اولدیغندن برهفته حبسنه سمیدجی استبانک اشپاسنی سرقت ایلدیکی تحقق ایدن قاسم اغا محله سنده کورجی احمدک اوج آی حبسنه وختام مدتنده ضابطه جه کفالت آلتنه آلتسنه درسعادت ، بک اوغلی واسکدار بدایت محکمه لری جزا دائره لرجه قرار ویرلشد .

محاکمه قتل

ککبوزه قضاسی نای بدایت محکمه سی رئیس عصمت بک برحقوق دعواسندن دولای بالی قریه لی محمد اغای خلاف قانون توقیف ایتیردیکی درسعادت استیناف محکمه سی مدعی عمومیلکتنجه اجرا قتلان اوراق تحقیقه مندرجاسندن اکلشلدیغندن مومی البک محاکمه آلتنه آلتسنه عدلیه نظارت جلیله سندن مأذونیت ویرلرک مذکور مدعی عمومیلک تبلیغات لازمه اجرا و کیفیت محاکمه سندن طرف عالی مشیخه ختانی یده معلومات اعطا ایدلشد .

اعلانات

درسعادت استیناف مدعی عمومیلکندن :

بیک اوچیوز اون سکرنه سی تشرین اولنک ایکنجی چهارشنبه کونی ایکندی زمانی بیغشایه تابع مقصودیه قریه سی کنارنده قیو باندن قالدی یارلرندن یاره نوب قتل اولنان قریه مذکورده لی الی یارلرندن اسلام اوغلی خضر افغانک کیفیت قتلدن طولانی مظلون بولنانلر اولوب غیب وقعه دنبرو حال فرارده بولنان مذکور قریه اهایلسندن اورته بویلی ایچیه وجودلی از صاری بیقلی مطروش کوسه یکرمی یاشلرندن یخیر چرکس قره هج اوغلی حاجی بیکک خصوصت سابقه سنه بناء محل مذکورده مرقوم خضرک اوکنه چقه رق دیگر متهمک معاوتیه تعمداً قالدی یارلرندن جرح وقتل ایلدیکی اخبارات وضبط ورقه سی وطیب راپوری مال وشدرجانیله درجه ثبوتیه واصل اولدیغندن اصول محاکمات جزائییه قانوننک مواد مخصوصه سی احکامه توفیقاً بیغشایه بدایت محکمه سی جزا دائره سنده محاکمه لری اجرا قلمق اوزره قانون جزاک یوزیتشجی ماده سی موجبجه جنایتله اتهامنه قرار ویرلدیکندن مته مرقوم حاجی بیکک هرزه ده کوریلورده طوبیلوب محکمه مذکورده توفیقخانه سنه تسلیمی لازمکله چکی بالجله ضابطه عدلیه مأمورلرینک معلومی اولوق اوزره اشبو اخذ وکرفت مذکره سی درسعادت هیئت اتهامیه سندن بالتظلم اعطا قلندی .

نجات بربره محکمه سنه :

اولجه تجارت بحریه محکمه سندن افلاسنه حکم اولمش اولان (ژی) موچاقی وقومپانیه سنک خصوصات افلاسنه نک رؤیت وتسویه سی ضمنتده

دعوی وکیللرندن ماهر وعلکساندر بیرام اوغلی اقدیلر اصالة سنیدیک تعیین قلمش اولدیقلرندن مفلس مرقوم ذمتده آله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکرمی برکون ظرفنده سنداتی محکمه کاتبه تسلیم ایلاری ومدت مذکورده ختامندن صکره اوج کونده یعنی ۳۱۸ سنه سی شباطنک ۱۹ نجی چهارشنبه ۲۰ نجی پنجشنبه ۲۲ نجی جمعه ایرتلی کونلرندنه تجارت بحریه محکمه سنک افلاس اوطنه سنه کلرک سنیدیک اقدیلر مواجیه سنده آله جقلرخی اثبات وقید وتصدیق ایتدبرملری ومدت مذکورده اثبات وجود ایده میان آله جقلرلر حقدن قانون مذکورک ۲۱۰ نجی ماده سنه توفیقاً ایضی معامله اولنه جنی اعلان اولنور .

ایکنجی تجارت محکمه سنه :

متوفی باولی وزونجه ورته لری ایوانسرایده عتیق مصطفی باشا محله سنده سبیل زقاغنده اون بش نورولی خانه ده ساکنلر اتون وقز قردنشی آملیا طرفلرندن مقدا امتعه کرکی قپوشنده بردکانه بربرک اتمکده ایکن ایوم اقامتکاهی مجهول بولندی خبر ویریلان طودوری علیه عتیق مصطفی باشا محله سنده واقع خانه اوزرینه موضوع جرحلک فکنه دائر درسعادت ایکنجی تجارت محکمه سی حضورنده اقامه ایلدیکی دعوی اوچیوز اون سکرنه سی شباطنک اون اوچنجی پنجشنبه کونی ساعت التیده فصل ورؤیت اوله جفندن یوه وقت مزبوره مدعی علیه مرقوم طودورینک بالذات محکمه مذکورده حاضر بولمسی ویاخود مصدق سنده بروکیل کوندرمسی لازم کله چکی وشاید کز وویکل کوندرمز ایسه حقدن معامله غایبه اجرا قلنه جنی معلوم اولوق اوزره تظلم اولنان دعوتیه ورقه سی محکمه نک دیوانخانه سنه تعلیق اولندیکی کبی اوراق حوادث واسطه سیله دخی اعلاننه ایتدار قلندی .

بک اوغلنده طوغری بولده ۳۵۴ نومرولی اداره خانه ده مقیم ترزی تجارتندن اونیک صاریان اقدینک ۳۰ کانون ثانی سنه ۳۱۸ تاریخندن اعتباراً اعلان افلاسنه ومصلح افلاسنه نک رؤیت وتسویه سی ضمنتده اعضی محکمه دن سعادتو جیل بک زور قومیسر ودعوی وکیللرندن اونیک ترجانیان وواسیلای اقدیلرک موقت سنیدیک تعیینلرینه ومغازه سیله اشپای زانده بیتیه سنک تمهیریه واوراق ودفازینک چاپنه ووبابده کی قرارک موقه اجراسنه ایکنجی تجارت محکمه سندن قرار ویرلش اولدیغندن قانوننامه

تجارتك ۱۷۰ نجی ماده سی موجب جبهه دائمی سندیکار
انتخاب اولمق اوزره [۱۳ شباط سنه ۳۱۸] پنجشنبه کونی
ساعت یدی راده لرنده اصحاب مطلوبك محكمه
مذكوردهك افلاس او طه سنه كملری اعلان اولنور .

چارشوی کبیره بودروم خانی جوارنده ساکن
ایکن ایکنجی محكمه تجارتدن افلاسنه حکم اولمش
اولان تجارتدن اسماعیل حق افندینك خصوصات
افلاسیه سنك رؤیت وتسویه سی ضمنده دعوی
وکیللرندن محمد بهرام افندی اصالة سندیک تعیین
قلمش اولدیغندن مفلس مرقوم ذمتده آله جفی
اولانلرك قانوننامه تجارتك ۱۹۹ و ۲۰۰ نجی ماده لری
موجب جبهه تحقیق دیون ایچون تاریخ اعلاندن اعتباراً
یکرمی برکون ظرفنده سنداتی محكمه کاتبه تسام
ایللری ومدت مذکورده ختامندن صکره اوچ کونده
یعنی [۲۲ و ۲۴ و ۲۵ شباط سنه ۳۱۸] جمعه ایرتسی
بازار ایرتسی و صالی کونلرنده ایکنجی محكمه تجارتك افلاس
او طه سنه کلهرك سندیک افندی مواجهه سنده آله جقلری
اثبات وقید وتصدیق ایندیرملری ومدت مذکورده
اثبات وجود ایدهمیان آله جقلولر حقنده قانون
مذكورك ۲۱۰ نجی ماده سنه توفیقاً ایضای معامله
اوله جفی اعلان اولنور .

محكمه تجارت اجرا دائره سنده :

بانکر واسیلاکی و شرکاسنك پولجی مهران اندر-
نیکان ذمتده ایکنجی محكمه تجارت اعلامیه محكوم به
اولان الاجتنك تسویه سیچون داین مرقوم یدنده
مرهون بولنان پول قولکسیوننك اشبو شباط
رومینك اوننجی بازار ایرتسی کونی ساعت بشدن
یدی به قدر غلطاده بورس خاندن مأموری مواجهه
سنده بالمزایده صاتیله جغندن اشتراسنه طالب اولنلرك
ودهازایده معلومات المق استیانلرك یوم ووقت مذکورده
محل مزبورده حاضر بولنلری محكمه تجارت اجرا
دائرة سندن اعلان اولنور .

بك اوغلی بدایت محكمه سی اجرا دائره سنده :

شهر امانت جلیله سی حقوق مشاوری سعادتلو
توفیق بك افندی حضرتلربنك روپن ولد ماردیروس
ذمتده محكوم به آله جفی اولان معلوم المقدار مبالغك
تأمین استیفای ضمنده مدیون مرقومك عهده
تصرفده بولنان بلاطده حاجی عیسی محله سنده محكمه
التي زقغنده سسكان ایکی نومرولی شربخانه کدکی
یوز یکرمی سهم اعتباریه اون سکر بچق سهم برپول
حصه سی تحت حجزه آلهرق لدی المزیاده بیک اوچبوز

غروش بدلایله طالبی عهده سنده تقررا تمش اولدیغندن
تاریخ اعلاندن اعتباراً اوتوز برکون ظرفنده یوزده
بش ضمیله طالب اولانلرك بك اوغلی بدایت محكمه سی
اجرا دائره سنده و اوتوز برنجی کونی دخی ساعت یدی
راده لرنده مذکور شربخانه پیشکاهنده حاضر بولنلری
اعلان اولنور .

خداوند لاریلایتی مرکز تجارت محكمه سنده :

بروسه ده اوزون چارشوده مقیم تبعه دولت
علیه دن ومانیفاطوره تجارتدن یاقو اسکانزینك ۲۷
کانون نانی سنه ۳۱۸ تاریخندن اعتباراً اعلان افلاسنه
ومصالح افلاسیه سنك رؤیت وتسویه سی ضمنده محكمه بك
اعضای دائمه سندن شاكر افندینك ژورقومیسر ودعوی
وکیللرندن میقائل ورافت واوزون چارشوده مقیم
صراف صلامون اوغلی نسیم افندیلرك موقت سندیک
تعیینلرینه و مغازه سنده موجود امتعه تجاریه ایله اشیای
زائده بیتیه سنك تمهیرینه واوراق ودفاترینك جانبه
وبوباده کی قرارك موقه اجراسنه ومفلس مرقومك
تحت توقیفه آلمسنه خداوندكار ولایتی مرکز تجارت
محكمه سندن قرار ویرلش اولدیغندن قانوننامه تجارتك
یوز یتیمنجی ماده سنه توفیقاً تاریخ اعلاندن اعتباراً
یعنی شهر شباطك اون برنجی صالی کونی ساعت یدی
راده لرنده اصحاب مطلوب طرفندن دائمی سندیکار
انتخاب اولمق اوزره محكمه مذکوردهك افلاس او طه-
سنه كملری اعلان اولنور .

میانك سنجای تجارت محكمه سنده :

صامسونده مقیم تجارتدن صوتیری دیمتریادیس
والفتریوس یوانیدیس نامان کسانك موقتاً اعلان
افلاسلرینه وخصوصات افلاسیه لرینك رؤیت
وتسویه سی ضمنده محكمه باش کاتبی شکری افندینك
ژورقومیسر واصحاب مطلوب وکیللرندن دعوی وکیلی
احمد رسائی وارسالان و بدروس افندیلرك موقت
سندیک تعیینلرینه قرار ویرلش اولدیغندن مفلس
مرقومان ذمتلرنده آله جفی اولنلرك دائمی سندیکلرك
انتخاب وتعیینی حقنده استشاره اولمق اوزره اشبو
بیک اوچبوز اون سکر سنه سی شهر شباطك بشنجی
چهارشنبه کونی ساعت التي راده لرنده محكمه بك
افلاسه مخصوص او طه سنه كملری اعلان اولنور .

ازمید سنجای بدایت محكمه سی اجرا دائره سنده :

شین قره حصاری تکفور اوغلی پانده لینك
دکرماندره قریه سنده ساکن چای زاده حسین بك

ذمتده بااعلام محكوم به آله جفی اولان مبالغ معلومه بك
تأمین استیفای ضمنده داین مرقومك واقع اولان
استدعاسنه مبنی طرف ریاستدن ویریلان قرار اوزرینه
تحت حجزه آنان دکرماندره سنده واقع معلوم الحدود
یوز اون صره نومرو سندن یوز اون یدی نومرو سنه
قدر مقید اوچ قطعه بانچه ایله بر باب دکرمانك درت
حصه اعتباریه اوچ حصه سی تاریخ اعلاندن اعتباراً
اون بش کون صکره موقع مزایده قونیله جفی جهته
طالب اولانلرك ودهازایده معلومات المق استیانلرك
نظامی دائره سنده ازمید سنجای اجرا مأموریتیه
مراجعت ایللری اعلان اولنور .

محكمه صغیر بدایت محكمه سی اجرا دائره سنده :

درسعاده ورجقی خاندن مقیم سعادتلو طاشجیان
سرکز افندینك بك اوغلنده پانغالیده جدیدیه زقغنده
یوز یکرمی درت نومرولی خانه ده ساکن بارونجی
باشی زاده دادیان کرکور بك ذمتده بك اوغلی بدایت
محكمه سی حقوق دائره سندن صادر اولان بر قطعه
اعلام موجب جبهه محكوم به آله جفی اولان مبالغ معلومه بك
تأمین اخذ واستیفای ضمنده مدیون مومی الهك
عهده تصرفده اولوب محجوز بولنان کوچك چكجه
قضاسنه تابع صویولی ناحیه سنه مربوط آق پیکار
قریه سنده کائن اولوب معلوم الحدود وششیخ
کوی دیمکله معروف اولان وقف برقطعه چفتلك
وینه وقف اولوب قضاء مذکورده تابع ایا یورکی
قریه سنده کائن طاطارجق ونام دیگر قوطوردینه
چفتلكلرك تاریخ اعلاندن اعتباراً اون بش کون صکره
بالمزایده فروخته تشبث اوله جغندن طالب اولانلرك
چكجه صغیر بدایت محكمه سی اجرا دائره سنه مراجعت
ایللری اعلان اولنور .

قدره بدایت محكمه سی اجرا دائره سنده :

قدره بك اوچبوز اون یدی سنه سی اعشارماتر-
ملرندن کچه جی محمد افندینك قدره دیون عمومیه
صندوقه اولان بورجندن دولای کفیلی صادق اغانك
اون یدی قطعه ده معلوم الحدود ترلالری بالمزایده اوچ
بیک التي یوز سسكان غرو شده طالبی عهده سنده
تقررا تمش اولغله تاریخندن اوتوز برکون صکره احاله
قطعیه سی اجرا قلنه جغندن یوزده بش ضمیله طالب
اولنلرك قدره قضای بدایت محكمه سی اجرا دائره سنه
مراجعت ایللری اعلان اولنور .